

**Nukarlerni  
ilikkagassatut  
pilersaarutit**



## **Imarisaanut nalunaarsuutit**

	Ilioraaviit:
<i>Nukarlerni atuartitsinermi ilikkagassatut pilersaarutit ilisaritinneqarnerat</i>	1
<i>Kalaallisut atuartitsinermi ilikkagassatut pilersaarutit</i>	2
<i>Qallunaatut atuartitsinermi ilikkagassatut pilersaarutit</i>	3
<i>Inuiaqatigiilerineq pillugu atuartitsinermi ilikkagassatut pilersaarutit</i>	4
<i>Upperisalerineq isumalioqqissaarnerlu pillugit atuartitsinermi ilikkagassatut pilersaarutit</i>	5
<i>Matematik-imi atuartitsinermi ilikkagassatut pilersaarutit</i>	6
<i>Pinngortitalerineq pillugu atuartitsinermi ilikkagassatut pilersaarutit</i>	7
<i>Inuttut inerikkiartorneq pillugu atuartitsinermi ilikkagassatut pilersaarutit</i>	8
<i>Sumiiffinni qinigassiissutit pillugit atuartitsinermi ilikkagassatut pilersaarutinut najoqqutassiaq</i>	9

---

© Kultureqarnermut, Ilinniartitaanermut, Ilisimatusarnermut  
Ilageeqarnermullu Pisortaqaarfik / Inerisaavik  
Direktoratet for Kultur, Uddannelse, Forskning og Kirke / Pædagogisk Center

*Piniarneqarsinnaapput:*  
Pilersuiffik  
Postboks 1610  
3900 Nuuk  
e-mail: [P-center@gh.gl](mailto:P-center@gh.gl)  
[www.p-center.gl](http://www.p-center.gl)

ISBN: 87-585-1088-5

Tamanit assiliortorneqarsinnaapput.

## Siulequt

Atuarfik pillugu Inatsisartut peqqussutaata ersersippaa, meeqqanik taakkualu ilikkarniartarnerinik isiginntaaserput annertuutigut allannguuteqartissimagipput. Oqarsinnaalerpugut meeqqanik isiginntaaserput allanngorsimasoq taakkualu ilikkarniartarnerinik isiginntaaserput aamma nutaannngorsimavoq.

Ullumikkut oqartarpugut meeqqat piginnaaneqartut. Tamanna isumaqartipparput qanga naatsorsuutigisartakkatsinnit annertunerusumik meeqqat namminneq inuunerisassamik ilusilersornissaannut piginnaaneqartut. Isumaqarpugut ilisimatusarnerup takutikkunaraa, meeqqat inunngomerminniilli inersimasunik qanoq iliuseqaqateqalereersinnaasartut, kinaassutsillu pilertarneratut ineriartortarneratullu taasinnaasangut inunngomeriniit ineriartulereertartut.

Meeqqanik isiginnaaginnartutut isiginntarnerput qimakkiaartorparput meearlu piumassusilittut namminerlu qanoq iliuseqarsinnaasutut isiginerujartulerlutigu.

Meeqqat piginnaassusillit piginnaaneqarfigaat alapernaanneq, inoqatinik ataqateqarnissamut piumassuseqarneq, ilinniartinneqarumassuseqarneq, isumasioqateqarumassuseqarneq aammalu oqartussaassuseqartunut ileqquliutiinnakkamik ataqqinnittuunerat annikinnerusarluni.

Meeqqanik isiginntaatsip nutaap kinguneraa ilikkagaqarniarnermik isiginntaaseq nutaaq. Meeqqat ataasiakkaat piginnaasaat, tunngavii assigiinngissusaallu ingerlatsisoralugit ilinniartitsisorlu aallarnisaasuutillugu sinaakkusersuisuutillugulu atuarfimmi ilinniartitsineq ingerlanneqartariaqarpoq. Nammineq ilikkagaqarniarnernup akisussaaffigeqataanissaanik oqaluttarpugut, taamalu oqalunneq isumaqartipparput ilinniartitsisoq atuartut namminneq ilikkagaqarniarnermi annertusiartortumik akisussaassutsimik tigusiartornerannut akisussaassusariaqartoq.

Inuit naapinnerini, ilinniartitsisut suliaminnut tunniusimasut meeqqallu tunngaviinik, piareersimassusiinik assigiinngissusaannillu ilisimasallit aammalu meeqqat alapernaatsut toqqissisimasullu naapinnerini, ineriartorneq meeqqat atuartitsissutit atuartitsissutillu qanitariissut imarisaannik paasinninnerannik pilersitsisoq aallartuttarpoq. Peqatigiinnerni taamaattumi atuaqatigiit misigisarpaat inuttut ataqatigiinnerup naammatumik uummarsarneqarnera itisilerinissamullu tunngavissat pilertarnerat.

Ilinniarneq inuunerup ingerlanneqarnissaanik akisussaannermut qilersorsimasariaqarpoq, inuunermik peqataanermut aqquutaasariaqarpoq.

Ilikkagassatut pilersaarutit uku atuarfik pillugu peqqussummik nutaamik aallaaveqarluni suliarineqarput, ataatsimeersuarnermilu marluisuni, ilinniartitsisunit, angajoqqaat sinniisaannit, atuarfiit pisortaannit naalakkersuinermillu suliaqartunit peqataaffigineqartuni kiisalu ataatsimeersuarnermi atuartuinnarnit peqataaffigineqartumi, atuarfik pillugu isummanik piumasarisanillu tunuliaqutaqarlutik. Aammattaaq pilersaarutit atuartut ukiumikkut assigiinngisitaartut sumiiffinniillu annerusunit minnerusunillu pisut meeqqat atuarfiat pillugu kissaataannik isumaannillu nuna tamakkerlugu katersorneqarsimasunit nalunaarusiarineqarsimasunillu tunuliaqutaqarput, minnerunngitsumillu ilikkagassatut pilersaarutit ukua atuartitsinermi anguniagassat ilikkagassatullu anguniagassat pillugit isummanik tusarniaanermi isummersuutaasunik tunuliaqutaqarput.

Ilikkagassatut pilersaarutit kalaallit kulturiata immikkuullarissuunera amerlangaarsusaalu kiisalu inuianni tamalaani kulturikkut assigiissutaasut, assigiinngissutaasut amerlangaarsutaasullu taputartuullugit ilusilerniarneqarsimapput. Suliarineqarnerini isumassarsiat nunanit tamalaarpassuarneersut qissimigaarneqarsimapput, isumassarsiat ilaat nunatsinni pissutsinut naleqqussarneqarsinnaasut atorneqarsinnaasullu isumassarsiallu allat atuarfimmi meerartatsinnut atugaritikkumanagit paasisimasagut sianiginiarsimallutigit. Taamaattorli isumassarsianik tunngavigisanik tunioraanerpaasimasut tassaasimapput ilinniartitsisut atuartullu namminneq.

Ilikkagassatut pilersaarutit ilusilersorneqarneri, pinngitsoorani malitassartai malitassatullu najoqqutas-  
siartai, qanorlu ilikkagassatut pilersaarutit ulluinnarni pilersaarusiornermi atuartitsinermilu atorneqarsin-  
naaneri, erseqqinnerusumik ilikkagassatut pilersaarutitut ilisarititsissummi matuma malitsigisaani kiisalu  
atuartitsissutissat ataasiakkaat ilinniartitsissutiginiisaannut pilersaarutit ilisarititsissutaanni ataasiakkaani,  
saqqummiussorneqarsimapput.

Ilikkagassatut pilersaarutit malitassatut najoqqutassiartai ingerlaavartumik atuarfiit Inerisaaviullu  
suleqatigiinnerisigut naleqqussarneqartuarlutik inerisarneqartuassapput. Ilikkagassatut pilersaarutit mali-  
tassatut najoqqutassiartai ulluinnarni atuartitsinermi isumassarsiorfissatut annertoqqutissatullu eqqar-  
saataapput eqqarsaataapputtaaq atuartitsinermik inerititsiartornermi periaatsinillu nutaaliomiarnermi  
isummorsorfissatut.

Jens Jakobsen  
Inerisaaviup pisortaa